



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ein schöner Sermon/ von dem wort/ zeichen/ vnd  
Sacrament**

**Amsdorff, Nicolaus von**

**Wittemberg, 1531**

**VD16 A 2385**

[Text]

**urn:nbn:de:hbz:466:1-34582**

# Ein Schöner Sermon

Von dem wort / zeichen  
vnd Sacrament.



## Lebenherrn

vnd freunde / Ich hab  
euch dreierley gepredigt /  
Zum ersten, das man Christum  
nirgend denn in seine  
worte vñ Sacrament / su-  
chen sol / da find man ihn /  
vñ sonst nirgēd / Zum andern / Das man ihn zu  
der rechten hand Gottes, wiewol er da sitzt /  
nicht suchen sol / Er ist vns zu hoch / wir kön-  
nen nicht hinauff steigen / wie Sanct Paulus  
zum Römern am x. sagt / Sprich nicht inn deis-  
nem herzen / ich wil hinauff zu dem himel  
steigen / Das were nichts anders / denn Christum  
herab holen etc / sondern das wort ist die  
nahe / inn deinem munde vnd herzen / durch  
das selbige wort / wenn du das glaubest / so  
findestu Christum / vnd ist bereid inn deinem  
herzen / vnd bist also warhaftig / from vnd  
gerecht / Darumb ist es alles erlogen / das die  
Schwermer schreien vnd plaudern / Man  
müsste vnd solle Christum nirgend / denn zur  
rechten hand Gottes / suchen / Das ist ein lügen

A q vnd

vnd iſthumb/sie können auch nicht mit einem  
buchſtaben bewerben.

Die heilige ſchrift leret vns / das wir  
Christum inn ſeinem wort vnd Sacrament  
ſuchen ſollen / ſie leren vns nicht / das wir ihn  
zur rechten hand Gottes ſuchen ſollen / Der  
halben dürfen wir nicht hinauff inn den hiſ  
mel ſteigen / ſondern müssen emiddlen auff er  
den bleiben / vnd zu dem worte vnd Sacra  
ment gehen / wöllen wir ihn finden. Wenn  
wir das wort / vnd Sacrament iinn dem glau  
ben haben / ſo haben wir den / der zu der rech  
ten hand Gottes ſitze / vnd unſer einiger  
priester / mitler vnd furſprecher iſt / dem ſelbiſ  
gen gleuben wir / vnd lieben ihn / als unſern  
einigen Heiland vnd mitler / dafür wir ihn  
halten / vnd erkennen durch das wort vnd Sa  
crament / Wer anders leret vnd prediget / der  
predigt ſeinen eigenen gutdünkel / aus einges  
ben des Teuſſels / widder Gott vnd ſein heiſ  
liges wort /

Denn / wer widder Sanct Paul leret  
vnd prediget / der leret vnd prediget widder  
den heiligen geiſt / wer aber widder den heilis  
gen geiſt leret / der leret gewis aus dem Teuſſel /  
Nu leret der heilige geiſt / durch den  
mund Pauli / das wir Christum haben / from  
vnd gerecht werden / durch das wort / das iinn  
unſerm munde vnd herzen iſt. Daraus folget  
vnwidderſprechlich / das ewre prediger / vnd  
alle

alle die da sagen / Wün müss Christum suchen  
zu der rechten hand Gottes / vnd anders n̄s  
gend / nicht aus Gott / sondern aus dem Teuffel  
reden vnd predigen / sie führen wol den spruch /  
Coloss/ij/ Seid iher mit Christo auferstan-  
den / so suchet was droben ist / aber er reimet  
sich gar nichts dazu / Denn dieser spruch sagt  
nicht / das man Christum droben suchen sol /  
sondern / so spricht er / Suchet was droben ist /  
da Christus sitzt zu der rechten hand Gottes /  
Vnu ist nichrs droben / denn geistliche gütter /  
darnach sollen wir trachten / nicht nach den  
güttern / die hie auferden sind / das ist / Wir  
sollen geistlich / nicht fleischlich gesyntet sein /  
daher gehöret dieser spruch / vnd anders n̄s  
gend hin .

Das wundert mich auch / wie sie daraus  
( das er zu der rechten hand Gottes sitzt )  
schliessen können / das Christus leib n̄rgend  
sey / denn inn dem himel / so doch das wider-  
spiel folget / nemlich also / Christus sitzt zu der  
rechten hand Gottes / darumb glaube ich / das  
sein leib sey in dem brod / als er selbst spricht /  
Das ist mein leib / Denn er ist die warheit / der  
nicht liegen kan / Was er spricht vnd sagt /  
das mus also sein / vnd nicht anders / So ist er  
auch allmechtig / das er alles thuen kan was  
er sagt / dieweil er denn sagt / Das ist mein  
leib / so mus er das auch gewislich also gezo-  
dent vñ gemacht habē / das das brod sein leib  
A ij sey /

sey/Denn er sitzt zu der rechten hand Gottes/  
das ist/Er ist gleich allmechtig/ ein Herr vnd  
Gott vber alle/ als der vater.

Darumb hab ich zum dritten geleret/  
das inn dem Sacrament des altars / das brod  
sey der ware leib Christi / vnd der wein / das  
warhaftige blut Christi / Das sollen wir fer-  
stiglich gleuben / vnd ihm keinem weg daran  
zweineln / das brod sey der leib / Dieweil der  
das sagt / der allmechtig ist / vnd nicht liegen  
kan / Ob ich das nicht verstehe / wie es zuge-  
het / da ligt nicht an / Koennen wir doch keinen  
Artikel des glaubens / mit der vernunft bes-  
greissen vnd verstehen / Warumb vnterstehen  
denn sich die armen menschen / mit ihrer ver-  
nunft diesen Artikel / zugrunden vnd zubes-  
greissen ? Wir sollen Gott die ehre geben /  
vnd seinen worten gleuben / ob wirs gleich  
nimmermehr verstehen .

Damit ist der Schweriner Consequen-  
tia vnd folge / ganz vnd gar niedergelegt / da  
sie also folgern / Christus sitzt zu der rechten  
hand Gottes / darumb kan sein leib nicht inn  
dem brod sein / Diese folge / beweren sie mit  
der vernunft / also / Das ist nicht die art vnd  
natur des leibes / das er zu gleich an zweien  
orten sey / Wenn das beschlosse / so folgere  
auch / das Christus nicht were durch verschlos-  
sene thür zu seinen Jüngern kommen / Denn das  
ist

ist nicht die art vnd natur eins leibes / das er  
durch eine wand oder mauren gehe / Odder  
das zween leib / zu gleich auff ein mal an ei-  
nen ort sein / Mit der weise / wolten wir die  
gantzen schrifft vmbstossen / aber da sey Gott  
fur / Ob wir nicht verstehen / wie das zugehet /  
das Christus durch verschlossene thür gegang-  
gen sey / solte das darinb nicht war sey / das  
die Evangelisten schreiben / Er sey durch ver-  
schlossene thür gegangen / also auch / Ob wir  
nicht verstehen / wie das zugehet / das Chris-  
tus im himel zu der rechten hand Gottes sey /  
vnd doch zu gleich ihm dem brod / Solte das  
darinb nicht war sey / das Christus von dem  
brod sagt / Das ist mein leib / Wie Eeme Gott  
daß / das er vmb unser vernunfft willen / lie-  
gen solte / vnd nicht mehr thuen kōnd / denn  
wir verständen / vnd mit der vernunfft beg-  
riessen /

Darinb solten die grossen geister / sol-  
che folge beweren mit schrift / so faren sie zu /  
vnd beweren das mit der vernunfft / vnd für-  
ten dieweil viel sprüche / damit sie beweren /  
das Christus sey zu himel gefaren / vnd sitze zu  
der rechten hand Gottes / Des dürffen sie nir-  
gend zu / wir wissen das vorhin wol / vnd gleu-  
bens ( Gott lob ) besser vnd festiglicher denn  
sie selbst / Derhalben hetten sie solche mühe vnd  
erheit wol sparen mügen / des happers vnd  
dintten verschonet haben / Aber das het-  
ten

ten sie sollen thuen / wenn sie vns vberreden  
vnd vberpoltern wolten / das sie solche sprüche  
fürreten / damit ihre folge beweret vnd gegründet würde / Das lassen sie anstehen / schweigen  
stille dazu / vnd springen vberhin / vnd bewerthen dieweile das Antecedens / nemlich / das  
Christus im himel sey / Darumb schließen wir  
also / Christus ist im himel / vnd sitzt zu der  
rechten hand Gottes / darumb ist sein leib im  
brod / nach laut seiner wort / Das ist mein  
leib z c / denn er kan nicht liegen noch triegen /  
Darumb wenn wir ihm gleuben / so werden  
wir nicht verfirt noch betrogen .

37.

Darnach wollen sie mit gleichnissen /  
ihre Schwermerey bewerben / nemlich / das  
wort ( ist ) wird inn der schrifft oft genommen  
für das wort ( bedeutet ) Darumb mus das  
auch alhie / inn den worten des Abendmals /  
also genomen werden / das es souiel gesagt  
sey / Das ist mein leib / als / das bedeutet meis-  
nen leib / Und wiewol sie selbst wissen / das  
gleichnisse vnd paraboln nicht streitten noch  
schließen / auch inn weltlichen sachen nicht /  
Noch sind sie so vermesssen vnd verblendt /  
das sie der gleichnissen inn dieser grossen /  
geistlichen vnd aller höchsten sache / des ges-  
wissens gebrauchen / Wer sollte doch / mit sol-  
chen groben / unverständigen esels köppen  
vmbgehen / odder mit jhn zuschaffen haben ?

Dazu

Dazu/so ist es auch nicht war/das inn  
der schrifft / das wort( ist) sollte fur das wort  
(bedeutet) genomen werden / wie das/der er/  
wirdige inn Gott erleuchte man/ vnser lieber  
Herr vnd vater inn Christo / Doctor Marti/  
ni Luther Elerlich bewert vnd beweiset hat/  
das inn keiner sprach auff erden / solches die  
art/weise/vnd gewonheit sey/Das wort( ist )  
bleibe fur sich selbst/inn seiner art/natur vnd  
wesen/vnd wird nimmermehr/fur das wort/  
bedeutet/genomen/auch inn den sprachen/die  
sie selbst furen/Denn Christus ist ein rechter  
weinstock / er bedeutet nicht ein weinstoch /  
Also auch / Christus bedeutet nicht einen fels/  
sondern er ist ein rechter fels / aber ein geist/  
lich fels / darauff das geistliche / lebendige  
haus Gottes gebawet wird/ Also gehet das  
zu/inn allen sprachen/die sie hieher ziehen/

Vnd wenn das gleich gewonnen were/  
das es mit den angewisenen sprachen war we/  
re/das dis wortlin/ist/solte fur das wort/  
lin / bedeutet/genomen werden/So were doch  
darumb noch nicht gewonnen/das es auch im  
Abendmal also solt genomen werden/sondern  
man mus das mit schriften beweisen/das es  
auch im Abendmal also solt vnd müste/vnd  
nicht anders genomen werden / Das können  
sie aber nicht thun/das ist ihn auch vnnüg/  
lich/Darumb schliessen wir/ das die wort im

A v Abendmal

Abendmal wie sie stehen vnd lauten sollen  
vnd müssen bleiben / vnd inn feinen weg an-  
ders verständē werden / Denn dieweil eines  
menschen wort / inn seinem Testament / nicht  
sollen noch müssen vorendert werden / viel  
weniger sol man Christus wort / inn seinem  
Testament vorendern / sondern vnuorrücket/  
vnd vngedeutet lassen / Wildoch kein mensch  
sein wort / einen andern deuten lassen / Wie  
solte denn Gott dazu kōmen / das man ihm sein  
wort sollte deuten nach des menschen wolge-  
fallen?

Fleisch

Darnach führen sie auch diesen spruch /  
Johan. 6. Das fleisch ist kein nütze / vnd sag-  
gen / das Christus daselbst rede von seinem  
fleische / als sagte er / Mein fleisch ist kein nütz /  
Dieweil aber solches nicht war ist / vnd nim-  
mermehr kan beweist odder bewerd werden /  
das Christus von seinem fleisch rede / wie wir  
hören werden / so können sie damit ihre  
Schwerinerey nicht beweren / das im Abends-  
mal solt schlecht brod vnd wein sey. Das  
aber Christus nicht von seinem fleisch redet /  
weiset der Text selbst klar vnd hell an / denn  
er spricht / Der geist ist / der lebendig macht /  
das fleisch ist kein nütze / Er red von geist vnd  
fleisch / vnd gibt einem iglichen sein eigen  
werk / dem geiste sein eigen werk / nemlich /  
das er lebendig mache / Dem fleische auch sein  
eigen werk / nemlich / das es nicht nütze ist /  
das

das macht nicht lebendig / wie der geist / Die  
weil diese beide werck strack's widdereinander  
sind / so folget / das geist vnd fleisch / da von er  
hie redet / auch müssten widdereinander sein /  
also / das das fleisch / da von er hie redet /  
mit dem geiste nicht eins ist / sondern widder  
ihn ist / Aber Christus fleisch ist mit dem gei-  
ste eins / nicht widder den geist ; sondern von  
dem heiligen geist empfangen / Daraumb kan er  
nicht von seinem fleisch reden / da er spricht /  
Das fleisch ist kein nutze / wie denn auch die  
antworte daselbst ihm ihrer art vnd natur  
selbst mit bringen / Denn Christus sagt vnd  
antwortet seinen Jüngern / da sie seine wort  
nicht verstanden / nemlich diese / Wer von  
diesem brod ißt / wird ewig leben / Blut vnd  
fleisch verstehet mein wort nicht / aber der  
geist erleuchtet / vil macht lebendig den mensch  
en / das er sie verstehet. So spricht er auch  
nicht Mein fleisch ist kein nutze / wie er zu/  
uorn sagt / Mein fleisch ist die rechte speise /  
Sondern spricht schlecht. Der geist macht leb-  
endig / das fleisch ist kein nutz / gleich als  
wölte er mit fingern weisen / das er von einem  
andern fleisch / vnd nicht von seinem fleisch  
redet / Denn sein fleisch ist die rechte speise /  
ein selig vnd nutzlich fleisch / wer das ißt /  
den macht es selig.

Vnd was sol ich viel sagen / Wenn gleich  
erstritten were / das Christus von seinem  
fleisch

fleisch redet / vnd das wir yhn dasselbig nach  
geben. Was hettē sie doch gewonnen / oder da  
mit erlāget nichts vberal / Vnd wen̄ sie gleich  
lang haddern vñ zancken / so schleusset es doch  
nicht mehr / den das Christus fleisch one glau  
ben genützet / Kein nütze sey / das ist war. Ich  
wil wol mehr sagen / One glaubē genützet / ist  
es schedlich vñ verdamlich / Denn wer vnywie  
dig ißet von dem brod 2c. der ißet yhm das  
zum gerichte. Ja noch weiter / Wer nicht geln  
het / dem ist auch die Gorthheit kein nütze / Das  
kreuze vñ der tod Christi / ist yhm auch kein  
nütze / denn den vnreinen / ist alles vnrein /  
schedlich vnd verdamlich.

Derhalben ist nu yhr Argument / das sie  
auff diesen spruch gründen / ganz vnd gar  
vmbgestossen / vnd bleibt also yhre schwer/  
mercy vnbewert / vnd stehet die warheit noch  
starkt vnd fest / Das ist mein leib / Vnd das  
der selbige leib dem gleubigen nütze vnd ses  
lig ist / vnd nicht alleine der leib Christi / son  
dern alle ding außerden / auch der tod selbst /  
wie S. paul sagt. Denen die Gott lieben /  
dienen alle ding zum besten / Ja eine vnglen  
bige raw / ist einem gleubigen manne heilig  
vnd nütze / Wie sollte denn der leib Christi /  
seinen gleubigen vnnütze sein ? Dar  
umb ist es eitel Teuffels gespenst / damit sie  
vmbgehen. Wenn sie uns / vnd das heilige  
**Sacrament** lestern / schenden vnd schmehen /  
vnd

vnd sprechen/ Wir haben einen fleischlichen  
Christum/Aber sie/die hohen geister/die rech  
ten Christen / haben einen geistlichen Chri  
stum/wie sie denn des viel machen/Aber las  
se sie schenden vnd lestern/ so lang sie wöllen/  
sie schenden vns nicht/ sondern Christum vñ  
sein wort/Vnd geben dabey an den tag/ das  
sie grobe / vnverschempte Esel sein / das sie  
nicht wissen/was geistlich odder fleischlich ist.

Ein workter leib / ist ein geistlich  
leib/spricht Sanct Paul/ so genissen wir des  
selbigen leibs/nach Christus wort/ gebot vnd  
befehl/Sie aber genissen das brod vñ wein/  
nach yhrem gefallen vnd gutdüncken/darumb  
haben sie ein fleischlich sacrament / Denn alles  
was von menschlicher vernunft kömpt / das  
ist fleischlich/ ein werck des fleisches . Was  
aber von Gott kömpt/ aus sein heilige wor  
te/das ist vns geistlich/ wenn das auch gleich  
an yhn selbst leiblich ist/ vnd warhaftig ein  
frucht des geistes/Darumb ist vns Sacra  
ment/ der warhaftige leib Christi vñ brod/  
ein geistlich sacrament / von Gottes geist/  
durch das wort vns geschenkt vnd gegeben.

Wir wöllen noch einen yhre sprüche  
handeln Matth. xxiiij. So iemand zu euch sag  
gen wird/ sihe/hie ist Christus / odder da ist  
Christus/so gedenket yhn nicht. Damit wollen  
sie bes

sie bewerben / das wir falsche lerer vnd verfuerer sind / Die weil wir leren vnd predigen / Der leib Christi sey warhaftig ym brod. Daruff antworten wir kurtzlich. Zum Ersten / das wir das nicht sagen / sondern Christus sagst selbst / wir brauchen nicht vnserer wort / sondern Christus eigene wort. Darumb / die weil sie uns falsche Propheten vnd verfuerer schenden vnd lestern / so schenden vnd lestern sie Christum selbst / das er ein fischer prophet vnd verfuerer seyo

Zum Andern. So leren wir nicht / das Christus hie odder da sey / sondern das nach laut der wort Christi / Das brod das wir brechen / nemen vnd essen / sey der warhaftige leib Christi. Das ist ein grosse unterscheid / Christum essen / vnd Christus leib essen / das von die selbigen Esel nicht wissen.

Zum Dritten sagen wir / das dieser sprich von dem reich Christi / vnd nicht vom Sacrement sol verstanden werden. Denn Christus wil sagen / Es werden falsche lerer ynn meismen namen kommen / die werden sagen / sie hie ynn der Kamern (das ist ynn dem Kloster) ist Christus / odder draussen ynn der wuesten ist Christus / Das ist soniel gesagt / Wer ein Kuddeler / Vonne / odder Münch wird / der findet Christum vnd kömpt ynn sein reich / wird

wird Gottes Kind vnd diener / from / gerecht  
vnd selig / darumb das er ein Closterleben fü  
ret / odder ein Einsiedeler ist / wie man denn  
von den Nonnen geschrieben / gelesen vnd ge  
predigt hat / vnd sie sich auch selbst gerhüs  
met haben / das sie Gottes breute sind / Chri  
sto durch ihr Mönisch leben vertrawet. Wel  
che also leren vnd predigen / den sol man nicht  
glauben / das sind falsche lerer vnd prophes  
ten. Vnd das dis der rechte verstand sey / zei  
get Christus Luce am xvi. Ca. Klar an / vnd  
sagt / Das reich Gottes wird nicht kommen mit  
auswendigen geberde / man wird nicht sagen /  
siehe / hie ist er / odder da ist er.

Sie haben auch weiter geprediget / Das  
Sacrament sey ein schlechts zeichen / des bluts  
vnd des leibs Christi / dabey man die Chri  
sten Kenne zc. Dazu sagen wir / das es nicht  
ein schlechts zeichen sey / des leibs vnd bluts  
Christi / sondern es sey ein zeichen / des newen  
Testaments / das ist / der zusage vnd des ge  
lubdes Christi / dabey wir erkennen den Gö  
tlichen willen / vnd das veterliche hertz gegen  
vns / das er vnsfern sunden / vmb Christus  
willen / wil gnedig sein / vnd vns das ewige  
leben geben / on alle werck vnd einigen ver  
dienst / alleine aus gnaden / liebe vnd barm  
herzigkeit. Das ist das new Testament vnd  
sein bund / den er mit vns gemacht hat / dazt  
er seinen

er sein leib vnd blut / vns zu essen vnd trincken fur ein zeichen gegeben hat / wie er Noe den Regenbogen gab / zu einem zeichen / da er yhm zusagte / das er die welt nicht mehr mit wasser erseußen wolt. Der halben wir auch noch auff diesen tag wenn wir den Regenbogen sehen / sollen an den bund vñ an die zusage des herren gedencken / vnd glauben / Er werde die welt mit wasser nicht erseußen. Also / wenn wir essen von dem brod / vnd trincken von dem Kelch / sollen wir gedencken an den neuen bund vnd sein Testament / vnd festiglich glauben / das Christus vmb vñser sunde willen gestorben ist / vnd durch sein leiden vnd sterben / vns Gottes gnade / vnd ein ewiges leben erworben hat.

Also hanget vnd hafftet der glaub / an dem aufwendigen zeichen / vnd glaubet / das er nicht sihet noch greiffet / nemlich dem worte / das da sagt / Das ist mein leib. Darumb ist es erlogen / das die Schwertner schreiben vnd schreien / Der glaube könne an keinem auswendigen dinghangen / er müsse allein geistliche vnd unsichtliche ding haben. Der glaube ist der art / das er ist ynn sichtlichen vnd unsichtlichen / ynn hymlichen vnd yrdischen dingē / doch also / das er nicht sihet noch fühlet das / das er glaubet von sichtlichen dingē.

Also hie ym Abendmal / hanget der glaube an

be an dem brok vnd wein / vnd gleubet / es sey  
der warhaftige leib vnd blut Christi / wel-  
ches er nicht sihet noch fület / sondern gleubet  
dem wort Christi (Das ist mein leib etc.)  
Also hafftet vnser glaub an dem Regenbogen /  
vnd gleubet / das er nicht sihet noch greiffet /  
nemlich dem worte / das Gott Noe sagte / Er  
wölte die welt nicht mehr mit dem wasser ero-  
seissen. Vnd also mus man reden von allen  
zeichen / der glaube hanget an dem wasser vñ  
gleubet / das er nicht sihet noch fület / nemlich  
dem wort Christi / Wer gleubt vnd getrafft  
wird / der wird selig. Gleubte doch Abra-  
ham / das Gott seinen samen nach ihm / wolte  
das gelobte land geben. Nu ist das gelobte  
land ein auswendig ierdisch ding / ist kein  
geistlich noch himlisch ding.

Darumb hat der Teuffel selbst jm ab-  
grund der hellen das Büchlin / da die drei  
hundert argument inne verfasset sind / durch  
seinen diener geschrieben / eitel gisste inn alle  
welt ausgegossen / dte leute von dem wort vñ  
Sacrament zu reissen / vnter einem schein der  
vernünftigen wort / vnd vieler sprüche / die  
da reden von geistlichem leben / so vnuer-  
schempt / das sie dürssen sagen / Auswendige  
zeichen vnd wort / trosten das hertze nicht.  
Auss ihr bösewichte vnd verrether.

Spricht nicht Paulus / das Euangeli Rom. 1.  
B Cor. 14. on/

on/das ist /das mündliche wort/das ihr höret/das ist Gottes krafft/das da selig macht alle die daran geluben. Macht es selig / so mus es ja das herze vnd gewissen trösten vnstercken. Darumb ist es eitel liegen vnd triegen/was inn dem selbigen Büchlin ist.

i. Cor. II

Am cpl. Argument sagt er / das im Abendmal nicht gebietwort sein / sondern wort einer einfeldigen geschicht / Welches offentlich erlogen ist / Das sind heiswort odder gebiet wort / Niemet hin / vnd esset / So offt ihr das thut / so thuts inn meinem gedechtnisse / Vnd paulus spricht selbst / Ich hab das von dem HERRN empfangen / was ich euch gegeben habe / das ist / aus seinem befelh vnd gepot. Derhalben ist kein erger bösewicht vnd heuchler auff erden kommen / denn eben der/der das selbige büchlin mit drei hunder Argumenten hat drücken lassen.

Item / Sie lassen sich noch wol mehr hören/nemlich / das man inn dem Sacrament nicht habe vergebung der sunde/ sondern an dem Kreuz da ist vergebung der sunde. Das wider reden/sagen/vnd predigen wir / Das am Kreuz vergebung der sunde erworben/ ist aber nicht ausgeteilet durch das mündliche wort/nemlich / durchs Euangelion wird der schatz ausgeteilet / vñ gegeben allen den/ die

die Gott nach seinem vorsatz / aus gnaden  
vnd barmherzigkeit erwelet/vnd zu der ewigen  
seligkeit verordnet hat / Darumb hat er  
auch die Aposteln ausgeschickt / vnd solchen  
schatz verkündigen vnd offenbaren lassen.  
Was hette es vns geholffen / wenn es vns  
nicht verkündiget vnd angeboten wärde?  
Dieweil denn das Sacrament nicht one wort  
ist/sondern inn das wort verfasset / vnd mit  
dem wort ein ding vnd ein Sacrament / aus  
Gottes ordenung worden ist. So wird auch  
inn dem Sacrament (wer das im glauben  
empfahet) dieser schatz/nemlich/vergebung  
der sunde ausgeteilet.

Vnd gleich wie wir teglig im Vater un-  
ser / vmb vergebung der sunde bitten sol-  
len / also sollen wir auch teglich vergebung  
der sunde/ izt inn dem wort / das man pre-  
diget/ izt inn dem Sacrament holen / Denn  
der glaube wird darinne geübet vnd wol ge-  
trieben/das er wechsset/stark wird/ vnd zu-  
nimpt/ das er inn der anfechtung bestehen  
kan. Wir gleuben wol/vnd haben vergebung  
der sunde/ aber der glaube ist schwach / das  
fleisch starkt/ der Teuffel noch stercker/ vnd  
voll aller list/der hindert vnd weret on unter  
las dem glauben / vnd er ruhet nicht / bis so  
lang er vns zu fall / inn sunde vnd schande  
bringe.

W ij Derhalben

Derhalben ist wol von nötēn/das wir et  
was auswendiges haben / als zeichen vnd  
wort/daran vnd damit vnser glaube geübet  
vnd getrieben werde / das wir wachsen vnd  
zunemen/ von einer klarheit zu der andern/  
vnd wandern vom glauben inn glauben/wie  
Paulus schreiber 1. Corin.3.

Daraus schleust sich nu das selbst/das/  
Wenn wir wollen haben vergebung der sun-  
de/so dürfen vnd sollen wir nicht gen Hiero-  
salem zu dem Creuze lauffen/ auch nicht hin-  
aufsteigen in den himel/zu der rechten hand  
Gottes/Sondern zu dem worte vnd Sacra-  
ment müssen wir gehen/vn vns dazu halten/  
Da/ Da/ finden wir vergebung der sunde/  
vnd ein ewiges leben / Ja Christum selbst/  
mit allen gaben/Nicht vmb des essens odder  
erinnkens willen/sondern vmb des worts wil-  
len/darinne das essen vnd trincken/brod vnd  
wein gefasset ist /Das wort / das wort / das  
bey vnd im Sacrament ist/ vnd mir den leib  
vnd das blut Christi/also fur mich gegeben/  
vnd vergossen / darbeut/schencket vnd gibt/  
Dasselbige wort macht das/das wir im Sa-  
crament vergebung der sunde haben/Nicht  
das drenge auff der zungen vnd das nasse in  
dem munde/ wie die Gottes lesterer schwer-  
men vnd liegen.Darumb we Christus tau-  
sent mal fur vns gestorben were/ so hülffe es  
doch alles nicht/so nicht das wort keme/vnd  
das

das austeilete/ mir schenkte vnd gebe / vnd  
spreche/ Vmb deinet willen ist geschehen/ dir  
zu gut/ Darumb w<sup>er</sup>den die Narren nicht  
was sie reden/ schreiben/ odder  
predigen. Gott gebe  
vns seine gnade/  
durch Christum  
seinen Sohn.  
**A M E N.**

Gedruckt zu Wittemberg durch  
Georgen Kaw.

1531.